

Соколёнок



4/2017

июль-август

Лашын



БАЛАЛАР УШИН ЭКИ АЙДА БИР КЕРЕ ШЫГАТАГАН РЕСПУБЛИКАЛЫК ЖУРНАЛЫ





Йыл айлары

Йыл ишинде айлар бар,
Саны болар он эки.
Солар акында бу хабар,
Айтайым сизге аьли:

ИЮЛЬ айы-яй айы,
Заманында келеген.
Артезианнынъ тоьгеречи –
Бала сес пен куьйлеген.

АВГУСТ. Сары бу авлак
Ятадылар обьгизлер.
Пишен шалына. Коьп арак
Теректе ийиледи емислер.

(ызы болаяк)



Емире

Емире – куьбидей кып-кызыл кызган зат. Кыста ол коькте ятады. Язлыктынъ басында ерге туьсип, оны йылытады. Эш те, емире мусылман дини алынмай турып айтылган зат болар. Оны бабаларымыз куьн йылувын ерге мол берген шак пан байластырганлар. Бизим ата-бабаларымыз табиаттынъ бу заманын кайдай да бир уьйкен куьдирет куьш пен тенълестиргенлер.


Елпилдеп туьсти Емире,
Ер йылынып бувлады.
Ямгыр явып, ер йибип,
Шокырак та шувлады.

«Емире туьсти, Емире», –
Деп эгинши даьврэнди.
Бисмилла деп, сабаншы
Ерге салды туьренди.

Емиреди несилге
Айтып кетти бабалар.
Емире туьсип яз басы,
Янландылар далалар.

Атайлар айткан Емире
Айтылмады, койылды.
Неше аьруьв аьдетлер
Аьле бизде йойылды.

Ер йылынса язлыкта,
Емире туьсти, деймен мен.
Халкым айткан аьдет деп,
Аталарды эслеймен.



АДСКЕРШИ ЭМ ШАБЬИР



Мине собйтип айтпага керек онынъ акында. Ол да ким десенъиз, Ногай еринде аты ийги белгили болган Асан Межит улы Межитов болар. Согыс эм ис ветераны. Сосы куьнлерге дейим турган болса, ога 95 йыл толаяк эди. Асан Межитов 1922 йыл Ногай районнынъ Арсланбек авылынды ярлы эгиншидинъ аелинде тувган. Онынъ айтувы бойынша, ногай халкынынъ бай эпосын суьймеге, оны ман кызыксынмага ымтылыс онда Кызлар каласында педучилищеде Абдулхамид Джанибеков колында окыганда тувган. Окытувшымыз, дейтаган эди ол коьнъили коьтерилип, дерисининъ аьр бирисинде бурынгы ногай йырларын, айтувларын, такпакларын уста

кепте кулланып турган эм аьр заман ясларга эм кызларга оларды билмеге эм окымага маслагатын эткен. Бар болган китаплерин оларга аькелип берип турган.

Асан Межитов коьплеген йыллар бойында район еринде партия эм совет органларында, авыл хозяйство тармагында куллык эткен эм абырайсыый казаган. Халкынынъ яшавын ийги билгем эм онынъ кылыгын, турмысын анълаган. Басыннан оьткен яшавы акында оьзининъ язганларында айтпага шалыскан. Оны анълав эм билуьв уьшин шаьйир язып калдырган затларды окыса, анълавлы болып калады. Асан Межитов Уллы Аталык согысынынъ белсен ортакшысы да болган эм басыннан оьткен аьскер йыллары акында аз язбаган.

Халк арасында согыс эм ис ветераны шаьйир эсапта да ийги таныс эди. Коьплеген эм коьплеген шараларда болып, язганларын суьйип окымага разы эди. Онынъ язганлары онлаган йыллар узагында «Шоьл тавысы», «Ногай давысы» газеталарынынъ бетлеринде, «Тувган ерим», «Лашын» журналларынынъ бетлеринде баспаланып келгенлер, радиодан берилгенлер.

Асан Межитов оьз ятлавларында тувган ерин суьювин, онынъ аьдемлери мен оьктемсуьвин, халк аьдетлерининъ уьйкен маьнелигин коьрсетеди, дослыкты, ийгилик этуьвди, кардашлыкты данъклайды. Аьдемнинъ яшавында куллык этуьв кайдай уьйкен эм сыйлы орынды бийлейтаганын арымай-талмай язып турган.



«Тувган ерим» ятлавында шабйир орамларында яланъ аяк, яланъ бас юрген Арсланбек авылына мунавдай сыдыраларын багыслаган:

– Уланлары
Анъшыласа кув урган,
Сувсылдаскан
Камысында кыр тавыклы,
Сабыр аккан
Йылгасында коьп балыклы,
Арсланбегим,
Сенсинъ меним ерим тувган...

Автор яс–явкага каратылган ятлавларында яслар ман кызлар аталар ман аналардынъ данъклы йоллары ман юргенин суьеди эм ога шакырады:

– Ат туягын тай басар,
Тай баспаса ким басар?
Басаяклар сиз, яслар,
Биз картайсак, орынды
Алаяк та сиз, яслар!
Яслар яшар Эл ушин,
Яслар яшар халк ушин...

Шабйирдинъ «Эгер шоблим соьйлесе» деген ятлавынынъ маьнеси уйкен: сонда коьшпели ногай халкынынъ бурынгы яшав аьлин билетганын эм ол калай болганын суьвретлейди. Ога озининъ катнаслыгын ашыкландырады:

– Бурынгы
Кара кумлар бойында,
Ярлы халкты
Ямшылыкта коьргенмен.
Бай-мурзалар
Халкка ебир эткенде,
Ишим янып,
Каарланып юргенмен.
Бурынгысы
Сувсызлыктан ярылып,
Такырларга,
Ювсанларга мен толдым,
Бассыз байдынъ
Мынълаган коьп малларын,
Авайына
Бага турып кор болдым...

Шабйир Сталинград каласын душпаннан саклавда эрлигин коьрсеткен йигитлердинъ бириси болган эм

онынъ акында биз «Эсимде» деген ятлавында сезбей болмаймыз. Мине онынъ бир кесеги:

– Товарых айлак бай,
Коьп коьргенсинъ кыйынлык,
Согысларда сен тапкан,
Уллы Енъуьв эм сыйлык –
Дайым меним эсимде.
Мынълаган яс йигитлер,
Аямайын янларын,
Явды каты соктылар,
Эдиль ювды канларын.
Коьрдим оны – эсимде.
Согыслардынъ биринде,
Яраланды онъ колым.
Госпитальден шыккан сонъ,
Оьттим енъуьв мен йолын,
Олар дайым эсимде...

Озининъ яратувшылыгында автор Ана, ана ман бала ара байланыс, суьйим, катнаслык акында аз язбаган эм олар мине буьгуьнги куьнлерде де инсанларга куьнделик яшавында керек. Оны биз «Айлак баа анага» деген ятлавында коьрмей, сезбей болмаймыз:

– Бала деген
Айлак баа анага,
Онынъ ушин
Ян-юреги куьеди.
Коьзи онынъ
Тоймас карап балага,
Ол баласын
Балдай коьрип суьеди...
Суьйинесинъ,
Улынъ сенинъ бир заман,
Эл саклавга
Деп аьскерге кеткенде,
Тувган якка
Кайтып келип алыстын,
Сый казанып
Мырадына еткенде.

Шабйир Асан Межитовтынъ «Наьсийхат» деп аталган аьлемет йыйынтыгын окыган аьдем онынъ кайдай бир таланты барлыгын, яшавды ийги билгенин эм коьрсеткенин сезбей болмайды. Онда ол тек ийги затлар акында айтып калмай, кемшиликлерди, эски аьдетлерди селекелейди эм оларды тайдырув кереги акында маьселе



кобттереди. Эм онынъ кобтерген маь-
селелери аьли де маьнели эм керекли
болып каладылар:

– Алшак тувссе соьзинъиз,
Кенъесинъиз оьзинъиз.
Ялган соьзлер оьркенсиз,
Оьсесип ызын кувмаса,
Оьсескен ерде баьле бар,
Сабырлык келип тувмаса.
«Салып кой» дей халкымда,
Кобп сабырлык биткенге,
Сабырлыктан зыян йок,
Каьдери мен эткенге.
Мен айтаган соьзлерде,
Каьте болса кешинъиз,

Яхшы эдап йол алсын,
Ога кенъ йол бершинъиз...

Асан Межитовка быйыл 95-йыл бо-
лады. Эм биз, 21-нши юзйыллыктынъ
ваькиллери, 20-ншы юзйыллыкта
яшаган эм сав оьмирин халкына ба-
гыслаган аьскерши эм шайир Асан
Межитовтынъ акында ийги соьзлер
мен эскеруьвлер этпеге борышлымыз.
Ондайлардынъ яшавлары оьмир-оь-
мирине яркырап янган бир маяк бо-
лып турганы керек. Оны яркыратув
эм коьрсеутъв бизим колларымызда.

*А.Култаев, Дагыстан
язувшылар Союзынынъ секретари.*



Орыс поэзиясынан

Марина Анатолий кызы Ахмедова-Колюбакина белгили орыс шаьйири, коьширувьшиси эм публицисти. Ол 1952-йыл Челябинск каласында тувган. Алты асыннан алып ятлавлар язып келеди. Москвадагы Максим Горький атындагы Литинститутын битирген. Аьлиги заманда Махачкалада яшайды эм аьрекет этеди. РФ-дынъ культу-расынынъ ат казанган куллыкшысы, Дагыстынынъ халк шаьйири. Орыс тилинде балалар уьшин шыгытаган «Лашын» журналынынъ редакторы. Орыс тилине ногоай шаьйирлери Кадриядынъ, Бийке Кулунчаковадынъ, Анвар-Бек Култаевтинъ, Мурат Аvezовтынъ коьплеген поэма-ларын эм ятлавларын коьширген.

Буйгуьн М.Ахмедовадынъ ногоай тилине коьширилген бир неше ятлавларын беремиз.



Бизим йылга кой кимик,
Буйра баслы, тоьгерек.
Алгасайды, коьп юрис,
Уйклап кете эртерек.

Арыганда, тыншаяр,
Тенъизге де ол усар.

Ямгыр явды шат болып,
Ыланъкалы, суьвретши.
Ясай шешек толтырып:
Бири кызгылт, ак бири.

Теректеги алмалар,
Кызыл туьс пен боялган.
Коькшил туьсли сав орман,
Куьлип туры. Арыган.

Буйгуьн куьннинъ коьзи де,
Кумнан боьрек писирген.

Алтын туьсли, кырк-кырк этер,
Сал авызга, эрип кетер.

Толкын аьли келип калар –
Эм боьректи ашап алар.

Манъка уьйдинъ аьр бирининъ
Тобесинде боьрки бар.
Оьзи янъы, басы сис,
Ап-ак. Ысла, айланар.

Тийсе ога куьн коьзи –
Агып таяр боьрк оьзи.

Коьширген А.Култаев.



ОЪС САЪБИЙ

«Куьн болсын
аьр дайым!» –
Деп сага йырлайым.
Йырымды сен тынъла,
Оьс, саьбий оьс, бала!

Оьс саьбий, куьн сайын,
Куьн болсын аьр дайым.
Аьр дайым алдыга
Йигерли адымла!

Яшавынъ яйнасын,
Бактынъ кенъ
ашылсын.
Йигит бол аьр ерде,
Данъкка шык элинъде.

Янышлы ананъды
Ис пен сен кувандыр.
Оьс, саьбий, оьс яйна,
Яшавга адымла!

«Куьн тувсын
йылмайып», –
Деп сага йырлайым.
Ласпа сен казага.
«Йок!» – дейик кавгага.

«Босын, – деп, –
тынышлык!» –
Аналар, айтайык.
Оьс, саьбий. Алдыга
Йигерли адымла!



Кыска хабарлар

ЙЫРТЫК ЫСТАН – «МОДА»

Усман-агай бир ийги куън авылдынъ ишиндеги кишкей «вагончик-туькенлердинъ» бирисине кирген эди. Онда туькенши болып эсли ногай хатын олтыры. Ол бир ярасык такыялы кыз бала ман хабарласып туры эдилер. Аманласкан сонъ туькенши: «Бу меним кишкей кызым», – деди. Кыздынъ уьстинде йыртык, телеме тесик, этлери коьринип турган «джинсы» деген ыстаны бар. Сол кийим Усман-агайга эрши, уят болып коьринди...

Бу не алаMAT, анасы – туькенши, атасы – хаKим, сондай аьдемлердинъ кыз баласы эл арасында йыртык ыстан ман юри. Янъгысын сатып алмага акшалары йок деп айттырып. Сага яс йигитлер карамас.

– Уялмайсынъма, кызым? – деп со-рады.

– Акаай! Бу сондай «мода»! – деди кыз уялып, эки бети алмалардай кызарып.


– Сондай «мода» болама, балам, яс кыздынъ каркырасы, эти коьринетаган. Уят ис сол! Уят эм эрши «мода»!



Ашамадым – емедим...

Конъсы авылдан яхшылыкка – тойга келген Ахмат–агай яхшы кейфленген, бираз озгарыпты эм оззи уьйине кайтып болма-як. Сога коьре тойдынъ эм уьйдинъ иеси Махмат инисин шақырып алып, конакты авылына еткеринъиз деп айтады. Бир заманнан сонъ кайтып келген ястан сорады. Аьруьв кепте элтединъ-ме, сени йолда кыйнамадыма?..

– Йок, кыйнамады, бир яман соьз де айтпады! Тек авылына еткеншей, сав йолдынъ узагында «Ашамадым–емедим, ойнамадым–куьлмедим» деп йырлап кетти. Сол соьзлерди уьйине киргеншейин кайтарып–кайтарып йырлап барды.



Авылда кайтип ямайсыз?



Биринши классты кутарган сонъ Хадижады, синълиси Ясминады эм бебеси Мухаммадты анасы Сургут каладан авылга поезд пен аькелген. Атайлары, тетеси эм энеси, баска ювыклары балаларды коьп суьйип-кушаклап олтыртпага ер таппайдылар.

Биринши куьнлерде Хадижа уьйкенлерсиз азбардан кырга шыкпага коркады.

– Не болды сага, неден сен коркасынъ? –

Олардынъ сорауларына Хадижа айтады:

– Бу авыллар неге тарык экен, олар болмаса экен!

– Неге соьйтип айтасынъ, кызым? – сорадылар ювыклары.

– Аьшиги, авылларда боьрилер эм йыланлар толы деп айтадылар.

Сиз мында кайтип коркпай ямайсыз?



Домбайдынъ баласы



Бир-бир авыллардынъ артезиан сувы таза, йымсак эм татувлы болады. Сога коьре Ахмат-агай колик пен келеятканда, йолда токтап, канистраларга толтырып сув куйып алады. Соьйтип, яздынъ бир куьнинде ол токтаганда, ога авылдынъ балалары янастылар. Келип, ногайдынъ аьдети мен, олар агайдынъ колын эки коллары ман алып, саламластылар.

– Сен кимнинъ кедеси, балам? – деп сорады агай кеделердинъ биревиннен.

– Мен Домбайдынъ ясы? – деди кеде бала.

Домбай деген баладынъ атасынынъ аты тувыл, ол халк таккан «кличкасы». Коьркли, мазаллы яде куватлы аьдемлерге ногайларда соьйтип айтатаган болган.

Танъла яде «послезавтра»

Авылдынъ орталыгына куллыклары ман барган Ахмат-агай уьйине алгасамай кайтып бараятыр. Ога карсы тратуар уьсти мен ерли орта мектебтинъ окувшыларынынъ биринши класста окыйтаганлардынъ бириси келеятыр. Аркасында китаплер, тептерлер толган дорбасы илинген. Агайга янаса берип, бала «Ассалам алейкум» деп ясы уьйкеннинъ колын, ногайдынъ аьдети мен, эки колы ман сыйлап алады. Саламына явап кайтарып, баладынъ кылыклы, эдаплы эм акыллы болганына разы болган агай, аманласканнанъ сонъ, кишкей йигиттинъ басын сыйлады.

Сонъ окувшыдан «атанъ уьйдеме» деп сорады.

– Йок, ол келген йок, танъла яде «послезавтра» келеек! – деди.

Кетип бараятырып тагы да «танъла яде «послезавтра» деп кайтаралап айтты.



Мереке

Бийиклевге Ымтылганлардан

Россия язувшылар Союзынынъ агзасы, шаъйир эм журналист Гульфира Абдулакым кызы Бекмуратов республикамыздынъ Ногай районынынъ Уьйсалган авылында 1967-йыл 29 июль куьн тувган. 1984 йыл сосы районнынъ Орта-тоьбе авылынынъ орта школасын битирген. Оннан сонъ Хасавюрт педучилищесинде, СГА-дынъ психология факультетинде окувын бардыган.

Мине 16 йылдан бери Гульфира Бекмуратова «Шоьл тавысы» республикалык ногай газетасынынъ хабаршысы, сонъ болса маданият боьлигининъ редакторы болып аьрекетин бардырып келеятыр. Отыз йылдан артык заман поэзия ман каьр шегеди. Онынъ кол астыннан шыккан поэтикалык произведениелери Черкесск каласындагы «Ногай давысы» эм Терекли-Мектебтеги «Шоьл тавысы» газеталарынынъ бетлеринде, балалар уьшин шыгатаган «Лашын» журналынынъ бетлеринде баспаланып келедилер.

Аьлиги заманда Гульфира Бекмуратова – Россия язувшылар Союзынынъ эм журналистлер Союзынынъ агзасы. Ногай тилинде шаъйир кызымыз «Бузылган куьзги» эм «Меним дуньям» деп аталган йыйынтыклардынъ авторы болады.

Быйыл Москва каласында Россия халкларынынъ аьлиги адабиятынынъ антологиясы баспадан шыкты эм ога Россия ерининъ юзге ювык миллет адабиятынынъ ваькилле-



рининъ язганлары да киргистилинген. Онынъ ишинде ногайлардынъ бес авторынынъ ятлавлары, сонынъ ишинде, Гульфира Бекмуратовадынъ кыска биографиясы эм бир неше ятлавлары да бар.

Биз шаъйир кызымызды келип турган мерекеси мен ак юрегимизден кутлаймыз эм ога берк ден савлык, узак оьмир эм поэзия йолында янъы бийиклевлерди сагынамаз.

С.Култаева



Курткашык

Ямгыр явды такылдап
Шоблликке.
Сув куйгандай коьринеди
Шоблмекке.

Шомылдырды шешекейди
Тамшылар.
Завыкланып баркылдайды
Бакалар.

Конды таза тамшыга
Куьпелек.
Кувьп кетти куьпелекти
Куьшелек.

Ямгыр тымды астакырын
Шашылып.
Сав дуньяды бийледи
Курткашык.



Эмильге



Айтар эдим «кишкенекей маьлек» деп,
Такыйкага токтатпайды ланъкасын.
Айтар эдим «кишкенекей аьлек» деп,
Тек ювырып келип оьбе абасын.

Айтар эдим «балдай таьтли бебем» деп,
Балшыбынлар таласа деп коркаман.
Айтар эдим «ланъкасыннан бездим» деп,
Узак кетсем, сагынышка толаман.

Айтар эдим «сен тынълавсыз аьвлет» деп,
Кызыксынып тынъламаса эртеги.
Мен айтаман «аьр дайым даьвлет бол,
Юрегимнинъ кишкенекей оьзеги».

Җадислерден

Ата-ана бермеге болатан энъ кыйматлы зат –
тербия.

Иемиз Алла-тала Оьзининъ куллырына куьнде бес
намаз кылмага буйырган.

Эртенъги хабтелер аьдемнинъ коьп соьйлегенин-
нен болады.

Билим алмага аьр дайым каст этинъиз, неге десе
билим Алладан ийменуьвге аькеледи.

Аманатка берилген затты кайтармаган кисидинъ
ийманлыгы болмас.

Куьншилик яхшы ислерди, курыган агашты ялын
ашайтаган кимик йок этеди.

Дурыслыктан да, Алла-тала юмысак юрекли эм
яхшылыклар этетаган аьдемди суьеди.

Хатын-кызларга ювык болмага эм ийги кепте яна-
спага шалысынъыз.

Баспага аьзирлеген А.Култаев.



Дагъыстан поэзиясынынъ классиги



Дагъыстан поэзиясынынъ классиги, Дагъыстаннынъ халк шабйири Гамзат Цадаса 1877 йыл 11 август куьн бизим республикамыздынъ Хунзах районынынъ Цада авылында ярлы эгиншидинъ абелинде тувган. Яслайын ок ата-анасыз етим болып калган. Медреседе окыган эм арабша бек ийги билетаган болыпты.

обзининъ авылында онынъ эстеликлери эм онынъ атын юргистетаган орамлар эм баскалай затлар барлар. Авылында шабйирдинъ уй-музейи де ислеиди.

Абли шабйирдинъ «Кишкей Патийге» деген балалар ушин язылган ятлавын да беремиз.

Туърли-туърли ерлерде куллык эткен: оъз авылында судья болган, темир йолда эм агаш абзирлевде куллык эткен. Бир кесек заман авар тилиндеги «Кызал байрак» газетасынынъ редакторы болып та ислеген. 1920 йылалрадан алып биринши ятлавлары баспаланган.

1934 йылдан алып СССР-динъ язувшылар Союзынынъ агзасы. Совет язувшылар Союзынынъ биринши съездининъ делегаты да болган.

Сав оьмирин язув ман йиберген эм онынъ китаплерининъ коьбиси балаларга багысланган. Олар орыс эм авар тилелринде Москвада эм Махачкалада шыкканлар. Шабйир баснялар, эртегилер, ятлавлар эм пьесалар да балалар ушин язган эм баспалаган.

Гамзат Цадаса 1951 йыл 11 июнде дуныядан кешкен. Шабйирдинъ аты муьтылмаган-Махачкалада,

С.Култаева.



Кишкей Патийге

Тилек сага, йиен кыз,
Атайыңды кешип кой.
Ийги тувыл хабарым,
Аьли сага айтарым.

Узак ерден алгасап,
Бизим уйге мен кайттым.
Сенинъ атанъ акында,
Бар кайгылы хабарым.

Бар эди—ав мырады,
Сени коьзи коьрге,
Онълы—соллы сыпатыңды,
Таьтли этип обьрге.

Яза эди: «Кызыма
Аьруьв соьзлер айтынъыз.
Аьли уьшин мен-ав сав,
Кайтаякпан, каранъыз!»

Аьне соьтитип аьелин,
Суьйди тыныш этпеге.
Телеграмма да келген —
Осал аьли билгенге...

Поездке мен олтырып,
Эки куьн йолда болдым.
Санбата йок ол обьзи —
Мени коьрмеген коьзи.

Шинели мен кийинген,
Тыртыклары билинген,
Ап-ак халат астында,
Ятып тура. Маь кара...

Балашова касында,
Уьйкен авыр согыста,
Йигит кимик согысып,
Берген янын сувырып.

Козгалмайды, йок яны,
Карамага бир аьруьв.
Тавга карай сыпаты —
Болган кайтув мырады.

Тавда болган аьдет пен,
Окып дува мен обьзим,
Басына тас салдым,
Агып коьзден коьз ясым.

Тетейдинъ аявлысы,
Эки коьзим ярыгы,
Обьлди атанъ. Йок энди —
Коьреалмас ол бизди...

Аваршадан коьширген А.Култаев.



ШАЙИРЛЕР МЕН ЙОЛЫГЫС



«Дагыстаннынъ язувшылары – озлеринынъ окувшыларына» деп аталган поэтикалык проектининъ рамкасында республикадынъ язувшылары эм шайирлери калаларда эм районларда озлеринынъ окувшылары ман йолыгысларын озкерувъ аьдетке кирип барады. Сондай йолыгыс Ногай районынынъ Кумлы авылындагы Джалалдин Шихмурзаев атындагы орта школасында да болган. Мектебинъ окувшылары, окытувшылары эм олардынъ ата-аналары ман йолыгыска бу кезек Дагыстаннынъ язувшылар Союзынынъ секретари, ногай секциясынынъ етекшиси шайир, коьширувщи эм публицист Анвар-Бек Култаев эм шайир эм коьширувщи Алибек Капланов келгенлер. Школадынъ завучы Фейруза Абдунасова йыйылганларга келген конаклар кимлер боладылар эм олардынъ язган кайбир китаплери акында айтып озган.

Сонъ соьз Анвар-Бек Култаевке бе-

рилди. Ол оззининъ соьзинде Дагыстан язувшылар Союзында 7 миллет секциясы, сонынъ ишинде ногай секциясы да куллык этетаганы эм оны ман ол оззи 2000 йылдан алып етекшилик этип келетаганы, дагыстан халкларынынъ 14 тилинде адабият шыгатаганы эм оззи де кайдай темага эм неше китап язганы уьстиннен хабарлав этти. Оннан сонъ Ногай шоьлине, онынъ аьдемлерине, дослыкка багысланган бир неше ятлавларын ана эм орыс тилинде окып эситтирди.

Йолыгыста шайир эм коьширувщи Алибек Капланов та кайсы йылдан алып поэзия ман каьрлейтаганы, кайдай темалар ога ювык экени акында айтты. Оззининъ анага, авылына, табиятка багыслап язган ятлавларын окып алды.

Келген конакларга окувшылар, окытувшылар эм поэзия суьювшилер соравлар да бермей болмадылар. Эм оларга конаклар явапларын да бердилер.

З.Шугаипова.

СОКОЛЁНОК



Катранлы бобкше (орыс эртегиси)

Бурын—бурын заманда бир курт-ка ман карт яшапты экен. Олардынъ Танюша деп бир йиени де болган. Бир кере олар озлеринынъ уйлеринынъ алдында олтыры эдилер. Касларынан туваршы сыйырларды айдап баратаган эди. Сыйырлар да туурли-туурли болганлар: биревлери карасымал, биревлери ак, ушинлери сары туесли эм озгелей. Бир сыйырдынъ касында кишкей тана ювырады-кара дегенде кара туесли. Бир де шоршыйды, бир де ювырады, каргыйды. Бир аруув дегенде аруув озси.

Сол заман Танюша айтады:

— Бизде де сондай бир кара тана болса экен...

Карт киси сол заман ойланады, ойланады эм бир ойга келеди: мен Танюшага тана табарман. Тек кайдан таппага керек-оны ол айтпайды.

Кеше де келип калады. Куртка ятып уйклайды. Танюша да уйкламага ятады. Тек карт киси уйкламайды эди. Йит те уйклаган, тавыклар да уйклаган. Карттынъ уйкысы келмейди-ойласады. Сонъ аста-акырын кийинеди эм орманлыкка карап йолланады.

Орманлыкка келеди. Елка терегиннен катырынды йыйып баслайды. Бир толы шелек йыйып алады. Разы болып уйине кайтады.

Куртка абли де уйклайды. Танюша да ятыр. Мысык та уйклайды. Тавыклар да ятырлар. Тек бир карт уйкламай эди-ол танады ясайды.

Колларына тобанды алады, оннан танады ясайды. Добрт таяк та алды эм олардан аяклар этти. Сонъ тана-

дынъ басын этеди, муьйизин этеди. Сонъ баьрисин де катран ман бояды. Соны ман карт та катыран тана болды. Кара тана. Аруув тана. Карайды карт ога эм коьзлери де тоймайдылар эди. Тек не ди бир зат ога етпейди. Тек не зат етпейди экен?

Карайды карт-муьйизи бар, аягы бар, ама куйрыгы коьринмейди! Сонъ карт киси йип алады эм ога куйрык этеди. Ол куйрыкты ога салып та уьлгирмеди — тана йорык озси сарайга ювырып кетеди.

Эртен Танюша куртка ман турады. Азбарга шыгадылар. Азбар ишинде болса тана ювырап юри: озси капкара. Озси бек ыспай. Катыраннан этилинген тана. Куртка да суьйинеди, оны ман бирге Танюша да суьйинеди. Танюша азбардан оьленлер йыйнады. Оны аькетип катыран танага ашатады. Оннан сонъ танады отлакка алып барды.

Сувдынъ ягасына шыгарады, от ясыл болган ерге. Аруув этип йипке байлады. А озси уйге кайтып келеди. Тана болса, оьленди ашайды, куйрыгы ман онда-мунда булгайды.

Мине орманнан Мишка—аюв шыгып калады. Турады, турады, онда-мунда карайды-танады коьзлери коьрип калады. Тана болса арты ман аювга карап токтаган эди: козгалмайды. Тек куьннинъ коьзинде териси йылтырайды эди.

«Карашы ога, кайдай бир семиз, — деп ойланады Мишка-аюв, — мен оны ашайым. Эти аруув».

Собьитип айтп, аюв аста-акырын





танага янасты эм оны кагып ыслады... тек ога ябысып калды-ав. Тана куйрыгын булгады эм уйге кетти. Барады, барады...

Аюв коркады эм ога тилейди;

– Катыран тана, катыран боькше, мени орманлыкка йибертагы!

Тана юреди эм оьзи мен аювды суьйрейди.

Уьй алдында карт пан куртка эм Танюша олтырып турылар эди. Танады йолыгадылар. Караслар-ол оьзи мен бирге аювды алып келген экен.

– Мине сага тана! – дейди сонда карт. – Карашы ога, кайдай уйкен аювды уйге аькелгенин. Мен оннан оьзиме тон тигермен. Аюв тонын.

Аюв коркады эм тилейди:

– Карт, куртка эи Танюша мени йиберсенъиз не болады. Мен сизге орманнан ийги бал да аькелермен, ашарсыз тойып.

Боькшединъ кабыргасыннан карт аювдынъ аякларын босатты. Аюв орманга карап шапты. Тек онынъ ызын коьрип калдылар.

Экинши куьн Танюша тагы да танады бакпага шыгарды. Тана оьленди ашайды, куйрыгы ман онда-мунда булгайды. Мине орманлыктан боьри шыгып калады-куба туьсли боьри эди. Тобгерегине карайды эм танады коьрип калады. Ол танага янасады эм тиси мен ябысады. Кабыргасына тислерин каптырады эм сол заман оьзи ога ябысып калмаспа. Боьри неде этеди, тек катыраннан босанып болмаиды. Ябыскан. Босанып болмаягын билгеннен сонъ, боьри танага тилеп баслайды:

– Тана, тана, катыранлы тана! Мени орманга йиберсенъ не болады!

Тана болса эситпегендей болады эм уйге карап кайтады. Барады, барады. Уйге келеди. Карт боьриди коьреди эм айтады:

– Каратагы! Мине буьгуьн бизге танамыз кимди аькелген! Эндигисименде боьри тоны бар. Боьри коркады:

– Ийги, карт, мени орманга йибер-

тагы, мен сага сол уьшин бир дорба козы алып келермен.

– Карт боьриди босатты эм ол орманга карап ювырып кетеди.

Экинши куьн де танады орманлыкка шыгарады кызалак. Тана юреди, оьлен ашайды, кыдырады. Куйрыгы ман ойнайды. Бирден орманлыктан коян шыгып калады. Танага карайды эм тамашасы келеди: мунда кыдыратаган бу не эткен тана аьши? Ога янасады эм тиеди. Йорык окына ябысып калмаспа танага.

– Ай, ай, ай! – деп коян йылап баслайды.

Тана барады, барады. Эм оны уьйине алып келеди.

– Кара сен ога, машалла бизим тана! – дейди карт. – Эндигиси мен кызымыз Танюшага да терисиннен бир аьруьв зат тигермизтагы.

Сонда коян-каьрип тилеп баслайды:

– Мени йиберинъизтагы. Мен сизге капыста эм Танюшага Кызыл лента-лар аькелерман.

Карт коянды босатады эм ол орманга карап куьшли кепте шавып кетеди.

Кеш болды. Уьйдинъ алдында куртка, карат эм Танюша олтырып турадылар эди. Карасалар аюв олардынъ азбарына карап шавып келеди. Оларга бир уйкен дорба бал аькелген-мине сизге мунавы, – дейди ол.

Балды алып уьлгирмедилер, баягы боьри ювырып келеятыр эди. Ол болса бир дорба козы аькелген-маь сизге! – дейди ол да.

Козы алып олар уьлгирмеди – коян аякларына кысып капыста алып келген. Танюшага болса кызыл лента да аькелген. Булар сизге! – дейди ол да куванып. Бириси де оларды алдамаганлар эди. Баьриси де косылып суьйинедилер.

Орысшадан коьширилген



САКИНАТ

(хабар)

Сакинат авылда берекетли, оьзи де уста кыскааяклы деп саналатаган эди. Онынъ эткен асына аьдем тойып болмаган эди. Авылга кайдай сыйлы конак келсин, колхоз басшылары оны Сакинат уйине аькетер эди.

Бир кайта алыс Кострома областинен келген конак Сакинат кувырған кувырдагын бек суыйип ашады да:

– Сакинат, – деди, – асынъ бек аьлемет, сонынъ кайтип этилетаганын, айтсанъ, бек разы болар эдим. – Конак колына блокноты ман калемин алды.

Сакинат онынъ неге керегин анъламай, йылмайып конакка коьз таслап алды, сонъ, кирпичлерин йыйы-йыйы кагып, байына карады. Аубекир пишесине конактынъ тилегин анълаткан сонъ, Сакинат, оьктемсий берип:

– Ресейде ногай зиятпетлерин емеге суьетаган бар болса, уьйретеим, – деп конактынъ колындагы кагытка карап, билгенен айтты.

Пишесининъ усталыгын мактасалар, Аубекир де бир эли оьсип кетеди. «Кая кайсынъызда бар меним Сакинатымдай?» – деп ишинен бираз копарсып алады.

Сосы кишкей хабарды муны ман кутылмага да болаяк эди, тек бир зат эсиме туссе, шегим катып куьелемен.

Яздынъ бир сыркыраган куьни. Обкомнан келген лектор туьс вақытта аьдемлерди клубка йыймага тиледи. Наьсипке, каты куьн эди. Лектор председателге окыяк лекциясынынъ темасын айтты. «Ва, сол ораза акында окылган лекциялардынъ саны да

йок. Баршы, бирер картлар оьзинъе акыл уьйретсин!» – деп председатель ишинен ойланса да, ойын лекторга билдирмеди. Артынсыра: «Кенем де бир йыллар арттагы затты тенъле-стирсенъ, кайда-кайда алдыга кеткенмиз. Аьне ясларымызга ораза дегенинъ дел хайыр» деп, бу бас деген ойын сызгышлап таслады.

Председатель оьзининъ орынбасарын шақырып:

– Давай, Аубекир, Сакинат зиятпетлерин аьзирлесин, – деди.

– Рамазан, – деди анавы, бир аз тартынып, – сол хайырсыз ораза болмаган болса экен. Аьли Сакинаттынъ аьлин оьзинъ билесинъ.

– Оны коьрип алармыз, – деп председатель кылыплы куьлемсиреди.

Оразадынъ оны калды, курткалардынъ коьни калды деп, ораза кутылмага энди де он куьнлер калган эди. «Ал аьши, бийкемизге барып, тагы да бир ялынайык» деп Аубекир уйине йобнеди. Уьйде Сакинат байына:

– Оьлеятырсам да тургыстып ирге-ге тиреексинъ, кет, аяснънан от шыксын, – деп тутты.

Болган уьшин не бакырса да Сакинаттынъ аргы ягы йок эди. Эм ол:

– Не ажал, аькел аьши конагынъды, тек аракы-маракыды кой, – деп байын йылы шырайланып озгарды.

Аубекир клубка еткенде, халк таркап келеятыр эди. Председатель мен Аубекир, конакты алып, уьйге келдилер. Мунда сыпырага онъайласып олтырганлары да сол болды, председатель кисесиннен шыгарып, эки



«Пшеничныйды» салды. Аубекир, коззининъ астыннан пишесине карай берип, стаканларды толтырды. Сонынъ арасында:

– Ва, Сакинат, сорпага коьтере туз салмапсынъ, – деп председатель казан пешке бараятырган кыскаяклыды токтатты. Сакинат кызарды, сонъ агарды.

Буларды анъламаган конак, балт-балт этип, председателъге, сонъ Сакинатка карады. Рамазан, куьлемсиреп коьз кысты. А Сакинатка:

– Э-э, картаясынъ болар деймен, Сакинат, – деди.

– Кайтесинъ, Рамазан, сол берлисуьвди койтагы, – деп Сакинат осал аьлди кажавга айландыраяк болды.

– Ынанмасанъ увыртлап карашы,

– деп Рамазан ога толы касыкты узатты.

Конак та бир зат анълап алган болса да ярайды, куьлкисин тегеран ыслап турды. Сакинат сорпады увыртлап карады да:

– Билип турыман, сенинъ шайпаклык этуьвинъди, – деп, саркылдап куьлди.

– Ва, Сакинат, оразанъды аштынъ да! – деп Аубекир де кажавга кажав косты.

– Кайда ораза. Мен ораза кайзаман тутканымды да мутканман, – деп Сакинат тагы да бек яйнады.

– Аьши, ораза-мораза деп халктынъ да, обзининъ де басынъды неге авыртасынъ, – деп Аубекир пишесин сыпарага олтыртты.



Ата-аңаларга Билув Керек

Обзингиздинъ балангызга аяр заман кызысынуб тувдырмага шалысынгыз. Эгер дейим ол не бир зат пан разы тувыл болса, яде коьнгили бузылып турган болса, эш бир затсыз оны тынглап карангыз. Ойламаныз, баладынъ маьселеси уйкенинъ маьселесиннен бир аз тоьмен болады деп. Оныкы да биринши кезекте болмага керек.

Эгер дейим сизинъ балангыз бек аста кепте окыйтаган яде ийги кепте язбайтаган болса оны бетлемеге шалыспангыз. Болган шаклы коьп кере этпеге, коьмек бермеге шалысынгыз. Балады бетлеп турув-оларга энъ де куьшли эм коркынышлы савыты болады. Боятен де, кишкейлерди аьдемлер турганлай бетлев эш бир керексиз затка саналады. Оны да ойлангыз.

Янынгызда балаларынгыз турганлай, школадынъ иси, окытувшылары, бир класста окыйтаганлары акында осал затлар айтпангыз. Ол керексиз экен. Сиз обзингизше сол школа яде окытувшылар акында соьйтип ойлайтаган болсангыз да. Бала деген ондай ойларды эм айтылатаган соьзлерди тез ок басына йыйып алады эм солай экен деп дайымга ойланады. Ол керексиз.

Баспага аьзирлеген С.Култаева.



Халк алатларына багысланын



Махачкаладынъ суьврет ясавшылар Уьйининъ выставкалар залында ДР-сынынъ язувшылар Союзынынъ эм «Дагыстан авыл» музейнинъ яратувшылык проктининъ рамкасында болып, «Шайир эм уста» деп аталган дагыстан поэзиясынынъ кешлиги ыткерилди. Оны ашты эм юритти Дагыстаннынъ язувшылар Союзынынъ правление председателининъ орын басары Марина Ахмедова. Ол шара белгили болган дагыстан музыкантларынынъ эм халк алатларынынъ усталарына багысланган эди.

Республикадынъ яратушылык колледжлерининъ эм вузларынынъ студентлери мен йолыгыспага деп Дагыстаннынъ халк шайирлери Марина Ахмедова, Шейит-Ханум Алишева, Аминат Абдулманапова, Дагыстаннынъ язувшылар Союзынынъ миллет секцияларынынъ етекшилері Анвар-Бек Култаев эм Сувайнат Кюребекова келдилер. Олар ызлерининъ миллет анълары эм алатлары акында хабар-

ладылар эм ызлерининъ сол темага язылган ятлавларын оқыдылар.

Ногай шайири Анвар-Бек Култаев ногай халк арасында белгили болган домбра усталары эм халк анъларын йырлавшылар Каирбек Межитов, Ахмат Кульниязов, Яхъя Кудайбердиев йолдаслар акында кызыклы хабарлады эм оннан сонъ белгили ногай композиторы, домбрасшысы эм йырав Яхъя Кудайбердиевке багысланган ызининъ «Ногай домбрасы» деген ятлавын оқып эситтирди.

Сондай кешликлер республикадынъ баскалай калаларында эм районларында да болмага кереги акында йыйылганлар айтпай болмадылар. Искусствовед эм публицист Татьяна Петенинадынъ айтувы бойынша, мундай кешликлер халклардынъ музыкалык искусствосы ман таныспага ийги амаллар береди. Бобытен де, бизим ясларга ондай шаралар бек ярайдылар.

А.Утеев.



Сол бетте берилетган созлерди онъ беттеги
клеткаларга коьширип, янвы созлер ясап, соларды
кулланып, бир кишкей хабар туьзип караньыз.

КОЙ

кас

тек

тас

шек

кыя

суьт

кым

таз

сыт

кус

сык

тас

нык

сан

ата

кыт

кят

йик

туьк

ЙОК



«Лашын» журналынынъ окувшыларына бир неше собзлерди тавып, точкалардынъ орынларына язбага деп тапшырма бериледи. Ане сол явапларды редакцияга язып йибермеге боласыз.

1.

Олтыры бир карт атай,
Юз туърли тон ябылган.
Ашып оны сен кара,
Йылаяксынъ, ол.....

2.

Оъзи болса ал юзли,
Туъси ясыл, алабай.
Аша, ашылар коьнъил,
Секерден таьтли оъзи.
Аша, ют сен, бол сабыр –
Атын айтсам ол –

3.

Кийими бар уьстинде,
Етпис кепте оралган.
Азбарда ол аьр кимде,
Бар язлыкта яйылган,
Барма алып, ал аша –
Мен айтайым, бу –

4.

Сары туъсли, Саьрсемби,
Аягында ойнайды.
Тие калса, куьн саьвле,
Онда–мунда карайды.
Караганга яраган,
Атын айтсам, ол –.....

5.

Азбарда эм авлакта,
Шашсанъ, оьсе, шашып бил!
Кызыл, конъыр каравга,
Уъзип ал да уьйге ил.
Авызда даьм калдырган,
Халк биле бу –.....





Соколёнок

ISSN№0206-

Лашын

4/2017

ИЮЛЬ - АВГУСТ

Иллюстрированный детский журнал.
Издается один раз в два месяца.

Учредитель :
Министерство печати и информации РД.

Регистрационный номер
ПИ №ТУ05-00348 от 01.12.2016г. вы-
данный управлением Роскомнадзора
по Республике Дагестан.

Издается с января 1990 г.

Главный редактор
Мурад Ахмедов

Редколлегия:
А.Исмаилов (зам. гл. редактора)
Т.Зургалова (отв. секретарь)
А.Култаев
Б.Кулунчакова
М.Авезов
С. Майлыбаева
С. Култаева (редактор выпуска)

Худ. редактор З.Даганов
Тех.редактор Т. Лузина
Художник номера А. Самарская

Выход в свет 07.08.2017 г.
Тираж 250 экз.
Заказ №86

Типография: ООО «Издательство «Феникс
пресс»
Адрес типографии: 367018, РД, г. Махачкала,
ул. Петра I, 61.

Редакция и издатель: Государственное
бюджетное учреждение Республики
Дагестан «Редакция республиканских
литературных журналов «Соколёнок» и
«Литературный Дагестан».

Адрес редакции и издателя: 367025,
РД, г. Махачкала, ул. Даниялова, 55.

Электронный адрес редакции:
litdag@mail.ru

Ногайский язык.
Индекс: на год - 63238,
на полугодие - 78432.

Цена свободная.